

KERATAN AKHBAR

TARIKH : 3 JANUARI 2024
AKHBAR : KOSMO
MUKA SURAT : 4

PADU elak ketirisan subsidi



ANWAR (tengah) melancarkan sistem PADU sambil disaksikan Ahmad Zahid (tiga dari kiri) di Putrajaya semalam. – FAISOL MUSTAPA

PM jamin beri manfaat, kemudahan untuk golongan layak

PADU elak ketirisan subsidi

Oleh RIDZAUDDIN ROSLAN
dan MUHAMMAD NAJIB
AHMAD FUAD

PUTRAJAYA – Sistem Pangkalan Data Utama (PADU) dapat memberi jaminan bahawa manfaat dan kemudahan yang ditawarkan kerajaan bakal dinikmati sepenuhnya golongan layak, seterusnya berupaya mengelakkan sebarang ketirisan.

Perdana Menteri, Datuk Seri Anwar Ibrahim berkata, pelaksanaan inisiatif itu juga disifatkan mampu mengurangkan kos perbelanjaan selepas jumlah subsidi ditanggung oleh kera-

jaan ketika ini melebihi RM80 bilion.

"Hari ini (semalam) kita telah kenalkan PADU yang mana seperti dijelaskan Rafzi Ramli (Menteri Ekonomi), pertamanya ia selaras dengan pendekatan dan transformasi digital.

"Kedua, ia memberi jaminan manfaat dan kemudahan itu dinikmati orang yang berhak menerimanya dan tentunya dengan cara demikian dapat kurangkan kos serta ketirisan," katanya.

Beliau berkata demikian ketika berucap pada Majlis Peluncuran PADU di Pusat Konven-

syen Putrajaya di sini semalam.

Hadir sama Timbalan Perdana Menteri, Datuk Seri Dr. Ahmad Zahid Hamidi; Menteri Ekonomi, Rafzi Ramli dan bawahan Kabinet yang lain.

Mengulas lanjut, Anwar berkata, peryasaran subsidi juga tidak dapat dilaksanakan dengan berkesan dengan pendekatan PADU dan transformasi digital.

Kata beliau lagi, belanja umum kerajaan termasuk beberapa perkiraan perbelanjaan dalam semua bidang bagi membantu rakyat miskin seperti di desa, peclaman, nelayan dan petani telah mencecah se-

banyak RM22 bilion.

"Dalam semua kajian, mengatakan (subsidi) tidak sampai sepenuhnya kepada kumpulan sasaran.

"Subsidi diberikan kerajaan dikira dengan nilai sekarang mencecah RM80 bilion dan tidak mungkin Malaysia bertahan uruskan kewangan belanjawan jika hal ini tidak dapat diperbaiki," jelasnya.

Anwar yang juga Menteri Kewangan menjelaskan, subsidi yang diberikan sebelum ini turut dinikmati hampir 3.5 juta warga asing dengan nilai perbelanjaan mencecah RM10 bilion.